

# Kolosai

*Pauloŋe Kolosai yengât akmâ Anutu ulilaŋep.*

<sup>1</sup> Nâmâ Paulo Anutuŋe ikinŋaet hanŋaet akmâ meme akniŋdo Yesu Kristogât Aposologât âi mem manman. Nâ akto galanenŋe Timoteo yengât kulem ire kulemgoet. <sup>2</sup> Netŋe Kolosai kepian gâtŋe han biwiyenande Yesu nânŋanmâ kepilâmai yengât kulem ire katyengiet. Anutu Ewenenŋe yâkŋe han kalem akyengimbo biwiyenŋe sândugeâkgât nânŋân.

<sup>3</sup> Net Kembunenŋe Yesu Kristo yâkgât Eweŋe Anutu are yengât akmâ sopŋe ârândânŋ mepai meanmâ ulilaŋmaet. <sup>4</sup> Yeŋe Yesu Kristo nânŋanmâ kepilâmai akto yâkgât kâmot kepia bikŋe bikŋe manmai yâk han kalem akyengimai aregât Anutu mepaimŋe memaet. <sup>5</sup> Amâ Anutuŋe himbimân wan me wan katyengiep gât egâlianmâ manmai arekŋe tânyengumbo Yesu nânŋanmâ luâk âmbâle okot âlep akyengimai. Aregât keiŋe âmâ den bunŋe nânŋâmbiâ miawakyengiep. <sup>6</sup> Akto den pat âlepŋe are yengâlân togombo emelâk nânŋâyi. Nânŋâm biwiyenŋe Yesugât katbiâ kinmap aregât bunŋe are yeŋe bo ewum pâpkomai. Akto Anutuŋe okot âlep akyengim damunyenŋe akberâm akto aregât den yengâlân togombo bunŋânâk nânŋâm agak meme hanâk hanâk hepunbaen dâmbiâ bunŋe yengâlân miawagep hainâk den pat âlepŋe are hânŋe hânŋe arimbo aregât nânŋâmbiâ bunŋe miawakbiâp. <sup>7</sup> Akto galanenŋe Epaparane Kristogât den lokomâk manmâ âi ire biwiŋande lokom tân

nengumapne Kristogât keiŋe dâm makyenŋimbo nânŋâyi. <sup>8</sup> Hain makyenŋimbo nânŋâm lokombiâ purik katmâ netgâlân togom hainâk Anutugât Heak âlepñande memene akyenŋimbo gala konok aganŋimai aregât den pat dâm maknengiep.

<sup>9</sup> Yenŋât den pat are nânŋâm arekneak netne keiŋe katmâ yenŋât nânŋâm Anutugât keiŋe nânŋânjetgât biwiyenân denne katbiap aregât ulilanŋiot. Akto ikeŋe Heak âlepne are hunŋun anŋo yenŋâlân gem biwiyene mem pâronŋ pando Anutugât keiŋe nânŋâmbiâ âmâ nânŋâ nânŋâyeŋe miawakyeŋgiwiap. <sup>10</sup> Kembuŋe hain akyenŋimbo manmanyenande yâkgât keiŋe makmâ miawakto yekto âlepne akbiâp. Akto areâk bo. Manman âlepne bunne are miawakyeŋgiâkgât âi membei. Hain akmâ Anutugât keiŋe nânŋâm henŋemgom manbei. <sup>11</sup> Akto Kembuŋe Wâtne humo pagaleŋe olop are akyenŋimbo wâtñân kinmâ bâleŋe siâ siâ akyenŋiwaiân biwi helenŋ bo nânŋâm kârikneâk manmâ âgâmbiâ biwiyene bo umalewiâp aregât herone akmâ manbeigât ulilanmaet. <sup>12</sup> Akmâ Ewenenŋe nen egon pagalenân wan me wan katnengiep are yâkgât kâmot olop membaengât ambonân ambonân aregât keiŋe aknengiep. Aregât okot owâiâk Ewenenŋe mepaimne memaet.

*Yesuŋe amâ Humonenŋe.*

<sup>13</sup> Akto Anutuŋe Hândâk Ambonaet kârikñânba mem kotgâ nenekmâ âmâ nanne okot humo nânŋanŋmap yâkgât amukñân katnenegep. <sup>14</sup> Nanŋaet keiŋe hin. Yâkne henŋemgonenekmapgât dosa puli puligât mânŋinengimap. <sup>15</sup> Akto areâk bo.

Nanḡande Anutu bo ekmaen yâkgât tirip towat akmâ manmap. Akto hân bo miawagewân me kalewân ain Nanḡande soḡ gem malep. <sup>16</sup> Manmâ âmâ himbimân manmai are akto hânân manmai are akto luâk gegene akto âgâ âgâne akto aḡelo, akto luâk niambi akto hat sinduk akto sinduk baniara egekne akto bo egekne akto hutyeḡân luâk keḡne keḡne wan me wan egekne akto bo egekne are hârogâk kalep. Hain akto Eweḡande nanḡaet pat dâm hâreaḡep. <sup>17</sup> Yâk siâ me siâ hârok aregât ulikḡân malep. Akto wan me wan emelâk inḡon me egon wan me wan keḡne keḡne bo kalewân kârikne manmâ gaepgât manmâ gap aregât kautne manmap. Aregât wan me wan keḡne keḡne nanḡaet wâtḡân kinmap. <sup>18</sup> Akto nen yâkgât kâmotlupne manden nengât kautne manmap aregât wâtḡânâk kinmaen. Akto yâk wan me wan keḡne aregât kautne humo malâk dâm aregât Anutu Eweḡande momoḡânba yâk soḡ mem agalep. Akmâ siâ me siâ hârok aregât lâwinne kalep. <sup>19</sup> Aregât keḡne hin. Anutugât wan me wan arekne nanḡaelân talep are Anutuḡe nâḡgâambo ârândâḡ akmap. <sup>20</sup> Akto wan me wan keḡne keḡne himbimân hânân haru kâlegen manmap arekne nen olowâk gala konok akmâ menduguakmâ Anutu ikinḡaelân dewatiwaengât nanḡe huḡḡunaḡdo hânân gembo lâwinân kombiâ gilâmne gembo mondo arekne nen Anutu olop gala konok mannegât dâp miawagep.

*Yesugât momoḡande golâ meneneḡep.*

<sup>21</sup> Akto ye emelâk Anutu gasa agaḡmâ hamianmâ hepun nenegâk dâmini agak meme

arekne bâlene keine keine akmâ gam biwiyenân lugum gaep. <sup>22</sup> Hain agep gârâmâ Kristo hâk sunum olop luâk akmâ miawakmâ mando kombiâ mondo Anutugât kuk bo akto Anutu olop gala konok manmâ gayi. Amâ Anutuje sop humoân biwi nângâ nângâyene âlep salek salek dosayene bo katyengiwiapgât magep. Anutuje hain makto Yesuje moepgât Anutuje yekto ârândân akto gala akyengiep. <sup>23</sup> Aregât akmâ Anutuje Yesugât den pat âlepne are nângâm lokomâk kinmâ âmâ den pat âlepne makmâ yengiyi are gulip akbop dâm biwiyenande hikom manbei. Akto uliknân siâne Yesugât den pat âlepne are dâm makyengiep. Den arekne luâk kepiâne kepiâne hârok arimbo nângânetgât den bunne Paulo nâne hon bawañe agañman.

*Paulone Yesugât kâmot yâk yengât akmâ âi humo miep.*

<sup>24</sup> Akto Kristone, ikinje kâmotlupne yengât keine bânne aregât hâk hilâlâm manmâ gaep. Hâk hilâlâm aregât bikne siâ tatâp aregât âi meman. Hain akmâ yengât dâm hâk hilâlâm nângâm manman aregât nângâre ârândân aktâp. <sup>25</sup> Akto Kristogât kâmotlupne ikinje hâkne hainare yengât hon bawa akmâ Anutugât den keinânbak dâm kepikmâ potatmâ yengire nângânetgât Yesuje âi aregât dâm hârem ninjep. <sup>26</sup> Akto den aregât keine yon yon talep aregât uliknânbak luâk hârokne nângâwerâm manmâ gambiâ gambiâ yâk hârokne aregât ewum pâpkoyi, are âmâ unjak ire gârâmâ Anutuje dâm miawakmâ kâmotlupne maknengiep. <sup>27</sup> Den yon yon talep are unjak Anutuje mem miawakmâ

kâmotlupņe maknengiep. Amâ hin. Kristo biwiyenân manmap aregât herone akmâ Kristo nengâlân miawakbiapgât nângâenne kârikņe akto manden. Akto Anutuņe makto luâk âmbâle hânņe hânņe manmaine agak memeyene bâlene hanâk hepunbiâ Kristo biwiyenân himbingât manman kârikņe are Yuda luâk nengât dâm makmâ hâriep hainâk yengât pat dâm hâre yengiwiapgât dâpņe tatâp. <sup>28</sup> Haingât nenņe âmâ luâkņe luâkņe are yengât nângâ nângâyeņe gulip akto nângâm hilipkowâigât akto Kristogât kâmot akņetgât Yesugât keiņe dâm kepikmâ biwiyenân katmaen. Aregât nângâ nângâyeņe kepik akto konogâk akto nângâ nângâyeņe walakmâ humo akmâ âmâ Anutugât dewunņân salek salek kinņetgât akmaen. <sup>29</sup> Hain aktere Kristone kârikņe mem owâinekto âi aregâlâk mem metewiangât kaut orem meman.

## 2

### *Paulone Kolosaigât akmâ hanokoagep.*

<sup>1</sup> Galama, nâņe keiņe nângâņetgât hin makyenģiwe. Ye akto Laodikea kepiān manmai arekņe bo nekmāi Yesugât kâmot yengât nângâm kinmâ aregât âi ire biwinande kepeim kinmâ hâk hilâlâm owâiņe bo nângân. <sup>2-3</sup> Akto Yesu Kristogât keiņe yonâk yonâk talep aregât keiņe tek tekņân ekmaen are hin. Anutuņe ulikņân nângâ nângâ keiņe heambugep arekņe hinņe nângâ nângâ amboņe Kristo are huņgun aņdo ikinjaet kâmot are miawakyenģimap. Nâ aregât nângâm ye akto Laodikea gâtņe gala konok aganģim Anutugât keiņe Kristone mem miawagep are

nângâm heŋgemgom bundâk dâm herone marone akbiâ biwiyene owai akmâ manjet dâm aregâlâk nângâm nâne ai ire biwinande kepeim ketugum hâk hilâlâm nângâman. <sup>4</sup> Akto luâk siâne hiangi den makto aregât ukenne nângâmbiâ biwiyene hâreakto ariwopgât aregât hain kulengoân. <sup>5</sup> Haingât ye kâlewân manbiâ biwine yengâlân arimbo yengât nângâyengim manman. Akto biwiyene Yesugât kârikne katmâ kepeim manmâ damungom kindâigât biwine âlepne aktâp.

*Luâk biknande hângât nângâ nângâgât den makbiâ bo nângâwaen.*

<sup>6</sup> Akto uliknân ye Yesu himbimânba giep are Kotdânenne dâyi aregât hainâk yâkgât amuknân manbei. <sup>7</sup> Akto lâwin bâlensiâ tiŋ tiŋ dâambo kândârâne panmâ kârikne akto miawakmâ âgâm humo akmap dop hainâk biwiyene ari kindo biwiyenande Yesu kepeim kârikne manbei. Akto ye olowâk biwinenne Yesugât katmâ Anutugât den lokom manmaen aregât denne emelâk dâm kepikmâ makyengiyion are watmâ arim kârikne akmâ Anutu âlepne dâm mepaimne humo mem manmâ âgâwai.

<sup>8</sup> Dâ hinne wan me wan kâmbokne dâmai aregât keine makyengire nângânet. Luâk biknande yene hanyeneâk akmâ hiangi den makyengimbiâ nângâm biwiyene bâliwop dâm aregât biwi golâ manbei. Den are âmâ emelâk humomolupyenjaet biwiyenân miawakto luâk kâmotne kâmotne dâm gambiâ den are âmâ hângât wan me wan kârikne akto lâuwâne makmâ manbai amâ Yesu Kristo yâkgât den bo. <sup>9</sup> Nângâi? Anutugât dâp are Kristo

hâk biwiñân sambelem pikmâ ârândân akmâ yendâp. <sup>10</sup> Aregât ye yâkgâlân wan me wan siâ bo mesakbai. Yâkne âmâ dâtne meme akto luâk koldâ hârok yâk yengât kautne damunye akmâ manmap. <sup>11</sup> Yâkgâlân ba gai tirip yeñe gai meyi. Bâtne hâknennân tirip gâi gâigât aregât bo. Kristone meyekmâ ikinje tirip hâk biwiyenân kulemgom yengiep. <sup>12</sup> Akto Kristo hâkgât agak meme mem mondo hangoyi dop hainâk akmâ hâkgât agak meme hepunbiâ tu puli yekbiâ yâkgâlân dewatiyi. Akto Anutune wâtne âlepne talañmapgât Yesu mem momonânba mem agalep dop hainâk biwiyene Yesugât katbiâ tu puliyegigât Anutune mem agatyekmâ manman kârikne aregât pat dâm hâreyengiep are mendâi. <sup>13</sup> Akto ye emelâk hâkyenân tirip bâlâk manmâ Anutugât dopñân bo akmâ bâlene maleñe keñe keñe mem maligât hememgât pat akbiâ momogât dâp miawakyengiep. Amâ unak ire gârâmâ Anutune dosayene hepunmâ Yesu Kristo momonânba mem agato mandâp hainâk golâ katmâ meyekto himbingât manman aregât pat emelâk aktâi. Dâ yengâlâk bo. Dosa nenñe hârok hepunngiep. <sup>14</sup> Aregât hin agep. Mosegât den kârikne den âiân katnenekto dosanenñe miawagep nângâenñe lokowaen dopne bo tatnengimbo umatne dondâ bâlene miawaktâp. Umatne are Anutune Yesugâlân kato aregât lâwinân kombiâ moep. Mondo ainâk den kârikne Mosenñe kulemgoepp arekne damunnenñe agepgât âi bo agep. <sup>15</sup> Hain akto âmâ Yesune sinduk baniara hewukne akto luâk niambi akto

luâk emet amboņe keiņe keiņe areyengât wâtyeņe mem gem âmâ keiyeņe tâņâk yânņe are tek tekņân mem miawakto anun humo yeņgimbo luâk âmâle herone nânğâyion. <sup>16</sup> Haingât luâk bikņande âmâ sot tu nem manbiâ bo ârândâņ akmap me hombaņ keiņe keiņe tatmai me wan me wan akmâ manbai me âi bo meme sopņe me delem dewunņe aregât hilâm tatmâ nânğâmai aregât dâm mem katyekberâm akbiâ âmâ den koyeņgiwai. Wangât? Hingât. <sup>17</sup> Makmâ wârakyeņgimai are âmâ bunņe bo. Bunņe âmâ titnan miawakbiap. Kristone mem miawakbiap. <sup>18</sup> Akto luâk bikņande yeņgâlân togom hin dâm makyeņgimai “Hâkyeņe mem ge katmâ aņelo kotyene mem agatbiâ ainâk Anutuņe yekto huraguwiâp.” dâm hiaņgimai. Luâk hain aregât keiņe hin. Biwi nânğâ nânğayeņe purik âgâmbo kulem are ekmâ aregâlâk nânğâm bunņe dâm bâleņeâk nânğâm hanyeņande nânğâm âmâ hâkyeņaet ukenņe are memai. Hain arekņe yeņgâlân togom hain dâmbiâ âmâ Anutuņe egâlâņ olop katyeņgiep are mesokbâen dâm bo nânğâ yeņgiwei. <sup>19</sup> Dâ areâk bo. Yesu nengât kautnenņe manmap dâm hiaņgimai arekņe biwiyeņe Yesugâlân bo katmai yâk yeņgât denyeņe bo nânğâwei. Yâk âmâ ye biwiyeņe âlepņe kali are nânğâenņe bo ârândâņ aktâp dâmai aregât ye mem ge kat yekberâm akmai aregât denyeņe bo nânğâwei. Akto Yesu nengât kautnenņe manmap dâm kulengoân aregât keiņe hin. Nenņe yâkgât bâtņe keiņe ongâņe me hagitņe mandengât Anutuņe meme akneņgimbo biwi konok akmâ Anutugât wâtņân kinmâ humo akmaen.



*Ire bo nemben, are bo nemben, are bo nângâwei.*

<sup>20</sup> Akto Yesu Kristo moep dop hainâk akmâ luâk areyengât biwiyenân den are hamianjim Yesugâlân dewatiyigât yeje luâk âmbâle dondâ arekne Yesugât hâkâne akmâ hami anmai are yengât denyene hanyeneâk akmâ hân luâk yengât den are dâm makyengimbiâ are hanâk lokombiâ bâliâp. <sup>21</sup> Hân luâk arekne hin makyengimai, “Are bo mem nejet.” dâm koyengimai. Akto, “Are bo mem ekjet” dâm makyengimai. <sup>22</sup> Dâ den hainare luâkneak hanyenande nângâm dâmai akto sot wan are nemiâ biwiyenân gem yânjân hin gem bo akmap. Aregât akmâ den hain are bo lokom manbei. <sup>23</sup> Akto yâkne yengât nângâm biwiyene wan me wan aregât akto sot bâlâk manmâ aregât hâkyene mem agatmâ yenaelâk nângâm den hain dâm makyengimai, “Hain aktenne hâknenne egâlianmaen are bo akto Anutugât den kârikne âlepne lokoenne nenekmâ âlepne dâwiap.” Hain dâm nângâmai amâ nângâm gulip komai. Den hain arekne biwi nângâ nângâyeje bo tângomap. Akto han biwiyene egâlian gogâlean are bo mem ge kato yeukne akmap aregât bo nângâwei.

### 3

*Anutuje Yesu olop nen golâ katnenegep.*

<sup>1</sup> Anutuje Kristo momonânba mem agalep hainâk momo dopjânba meyekto agali aregât âuren himbimân Anutugât bât bungen ain Kristo tatmap aregât han biwiyenande nângâmâk manbiâ humo akbiâp. <sup>2</sup> Amâ hânân siâ me siâ yendâp aregât bo nângâwei. Egon siâ me siâ yendâp

aregâlâk han nângâ nângâyene katbiâ tatbiâp. <sup>3</sup> Akto Kristone moep ye hainâk akbiâ aregât nângâ nângâyene tâmbâne are bo agep. Aregât Anutu Kristogât akmâ manmanyene damunje akmâ kindo manmanyene yem âgâwiap. Akto bo bâliwiap. <sup>4</sup> Aregât Kristo yengât manman kârikjaet ambonjande lâuwâne miawakmâ gembo âmâ ye hainâk miawakmâ agatbiâ pagalene âlepne dondâ ain olowâk manbai.

*Agak meme irakjân kinmâ tâmbâne hamianjbaen.*

<sup>5</sup> Hângât me hâkgât agak meme hamianmâ hâkyene damunje akmâ hengemgowe. Amâ hin. Dâp gulip agak meme me biwi helen me nângâ nângâ bâlene me egâlian bâlene are lâpiogât nângâmbiâ humo akmap hainare are hârokne damunye akbopgât hâkyene damun akmâ manbai. <sup>6</sup> Wan me wan are hârokgât âmâ Anutugât hâune kuk bâlene hain akmai yâk yengâlân miawakbiap. <sup>7</sup> Akto ye ulikjân hângei agak meme are nângâmbiâ humo akto watmâ manmini. <sup>8</sup> Dâ hinje bâlene ire amâ hamianmâ manbei. Akto kuk bo aganjgiwei. Biwiyenân kuk bo akbei. Akto bo bâlene nângâ yengim dâm mem ge katyekbei. Akto galagât hogo hogo bo akmâ manbei. <sup>9</sup> Akto den bâlene bo makyenjiwei. Hianji den bo makyenjiwei. Bo heyenjiwei. Emelâk hângât nângâ nângâne akto agak memene are hami pali. <sup>10</sup> Panmâ Yesugâlân dewatiyi aregât Anutu manman irakne aregât ambonje arekne biwi nângâ nângâyene âlepne anjâ lugu yengim ikinjaet dopne aknetgât meme aknengimapgât aregât bâlene keine keine hamep panmâ manbei.

11 Aregât Kristogâlân purik katmâ biwi konogâk katenje mem mendugu nenegep. Nen Yuda luâk me ye siân gâtje me Anutugât pat dâm hâk gâi nengiyi me bo gâiyengiyi me niñaelân dewatim dop ketugu yengiep me haruân gâtje me halângen gâtje me luâk kâit yengâlân gâtje me hoñ bawa me hoñ bawa bo me mându me nanlupje okotne dâm yengim mendugu yektâp yâkje hanyenjeâk akmâ âi ketugumai are Anutuje nen hârok nenekto dop konogâk akten. Akto Kristo Kembu konok yâkgâlân dewatim manmaen âmâ nengât kautnenje mandâp.

12 Akto Anutuje han kalemjaet akmâ yekmâ nângât dâtâne dosayeje bo dâm han kalemjaet akmâ olonyekmâ ikiye nanje baratje yengonlep aregât biwiyenande konogâk akmâ manmâ âmâ agak meme âlepje ire âmâ akmâ manbei. Umburuk me gegeje manmai are yekmâ okotyene nângâ yengim tân yenguwei. Akto nângâm bâli yengimbiâ âmâ biwi kau akmâ damun akyengiwei. Akto galalupyenjaet nângâm bo makmâ mem ge katyekmâ yenjaet hâkyene bo mem agatbai. Akto denyene kakñân dâmbiâ den hâuje bo makyengiwei. Akto biwiyenân tuk tuk ewuyekbiâ âmâ bo biwi aguwai. A hârok lugu akmâ manbei. 13 Akto gala konok akmâ tân aguwai. Akto den umatje yengât hutyenân miawakto ain biwi kau akmâ, “Humonenjande emelâk dosanenje pan nengiep.” dâm aregât nângâm dosayeje hepunanjiwai. 14 Akto siâ me siâ aregât kakñân han kalem are mem luguakmâ manbiâ arekne siâ me siâ are mem mendugum

kinmâ katipkombo agak meme konok ârândân akbiâp. <sup>15</sup> Aregât Kristo lumbe amboŋe yâkgâlâk nângâmbiâ biwiyenê sândugewiâp. Amâ ye kâmot konok akto han hâkyenê konogâk manŋetgât Anutuŋe kepilâyegeggât Anutu makmâ mepaimŋe mem agatmâ manbei. <sup>16</sup> Akto biwi nângâ nângâyênê gulip akto hilip aguwâigât den dâm yenŋiep are nângâm lokomâk manmâ biwi nângâ nângâyênê umbuŋânbak Kristogât den aregât keiŋe kepikmâ maganŋi goanŋi akmâ âmâ aregât dâm kârikŋe aganŋiwei. Akto ain âmâ mitigât kep are membai. Akto emelâk Dawidi hakunenŋe are akto luâklupŋe arekŋe Anutugât kep kulemgoyi are nângâm membei. Akto Anutugât Heakŋande biwiyenân tatmap aregât Anutu âlepŋe dâm mepaimŋe mem heronê akmâ aregât kep kenŋu membei. <sup>17</sup> Akto Yesuŋe ikinjaelân purik katmâ manŋetgât Anutugât dâpŋe meyênŋiep. Aregât Anutu mepaimŋe mem âlepŋe dâm biwi yenande nângâmaiân akto bâtyenande mem ketugumaiân ain Yesu Koldânennê yâkgât nângâm biwiyenande kepeim manbei.

*Luâkdâ âmbendâ nanaŋdâ yenŋât den.*

<sup>18</sup> Âmbâlema, yeâmâ luâklupyenê lau lokoyenŋim manbei. Agak meme hainare Humonenŋande ekto huragumap. <sup>19</sup> Dâ luâk yenê âmâ âmbenlupyenê damunyenê akmâ han kalem akmâ biwiyenê yâk yenŋâlân katbiâ ain kinbiâp. Akto den dâtŋe âmâ bo dâm makyenŋiwei. <sup>20</sup> Dâ nanaŋ lepat ye âmâ hainâk ewe memelupyenâet wâtyenân kinmâ lau lokoyenŋiwai. Hain akbiâ Anutu Humonenŋande yekto ârândân

akbiâp. <sup>21</sup> Ewe memelupyene yeje âmâ nanan lepatlupyene biwiyene bâliwop dâm den sârek yenġum âmâ dewun yenân bo gem biwiyenân bo ewuyekbei.

*Hoġ bawa yenġât den.*

<sup>22</sup> Hoġ bawa yeje humomolupyene yâk yenġât lau hârok lokom metewei. Amâ humomolup-nenġande nenekmâ kinbiâk âi mene hain bo nâġġawei. Hanâk âi memâk manbei. Akto Kembu Humonenġe yâġġât hamep akmâ biwi kau kau akmâ âi memâk manbei. <sup>23</sup> Akto âi are ketugum hin dâwei, “Âi ire luâk yenġâlâk bo. Humogât ketugum manden.” hain dâm âi are hâk hilâlâm kakġân ketugum manbei. <sup>24</sup> Hain akbai dâm areġât Humoġe pat dâm hâreyenġiep are hâuġe hâmbâi himbimân membiâ Humonenġe Kristo are Kotdânenġe humo manmapġât âi ketuguwaiân areġât nâġġâm biwiyenande kepeim hain akbai. <sup>25</sup> Akto Anutuġe luâk âmâle âġâ âġâġe me geġeġe keiyenġe konok nâġġamap areġât bâleġe akmâ mandâiġe dosa mem areġât hâuġe hâmbâi membai.

## 4

*Luâk kotdâ yenġât den.*

<sup>1</sup> Luâk kotdâ yenġande hoġ bawalupyene siâ me siâ ârândânġâk akyenġiwei. Anutu Kotdâ yeje agat agatġe himbimân mandâpġât hoġ bawalupyenġaet damunyeġe akmâ tâġ tâġâk akyenġiwei.

*Kembu hokboâk hokboâk ulilanġaen.*

<sup>2</sup> Akto Kolosai kepia ambolupġe yeje kârikġe manmâ Anutu manġanmâ ulilanġmâ âmâ

biwinenŋe golâ agâkdâm manmâ mepaimŋe manbei. <sup>3</sup> Hain akmâ nengât ulilaŋbai. Nenne luâk âmbâle yânŋân manmai are Kristogât keiŋe dâm makyenŋinetgât Anutuŋe dâp menengiâkgât dâm ulilaŋbei. Den are dâm miawakmâ makyenŋireân den are hâkânŋ akmâ aregât lope kâlegen katnekiâ tatman <sup>4</sup> aregât ulilaŋmâ tân nugumbiâ âmâ Kristogât den tikŋe are makmâ miawakyenŋire ârândânŋ akto hârokŋe nânŋâwai.

<sup>5</sup> Anutugât den bonânŋâmai yâk olop peniangim kinmâ siâ me siâ akberâm ekmâ nânŋâm heŋgemgowe. Hain akmâ âi meme sopŋe bo hilipkowe. <sup>6</sup> Akto denyenŋe are kâtembe pulimbiâ ukenŋe akbiapgât hainare akbei. Aregât benŋe luâk bikŋande den ire me are purik gurik makyenŋiwerâm akbiâ den hâuŋe ainâk owâiŋeâk makbei.

*Tikiko akto Onesimo yâk yetgât den.*

<sup>7</sup> Nunaet den pat amâ Tikikoŋe makyenŋiwiap yâk âmâ gala akniŋmap akto dengât tânnugumbo ârândânŋ akmap akto Kembangât hoŋ bawa manmap. <sup>8</sup> Yâkŋe âmâ manman nenŋaet den pat makyenŋiâk akto biwiyenŋe hionakbopgât tânyenŋuâkgât huŋgunaŋdere togoâp. Akto aregâlâk nânŋâre humo aktâp dâm huŋgunaŋdân. <sup>9</sup> Akto galanenŋe Onesimo yengât kepien gâtŋe arekŋe âi wan me wan mendo ektenŋe ârândânŋ akmap yâk olop huŋgunyektere togom iregen wan me wan miawaknengiep aregât den pat makyenŋiwiadat.

*Den bâiŋe.*

<sup>10</sup> Aristako yâk olowâk Roma yengât lope kâlegen katnelekiâ mandet yâkŋe yengât akmâ gala

akyenjiâp. Akto Banabagât nepânje Mareko yâk  
 gai gala akyenjiâp. Dâ ye âmâ emelâk Marekogât  
 keine makyenjiân yâk togowiawân gala aganbei.  
<sup>11</sup> Akto luâk siâ kotje Yosua, kotje siâ Yusto yâkne  
 yengât nângâ yengiâp. Akto Anutuje damunnenje  
 akbiapgât âi tân nugumai yâk yengâlânba luâk ya  
 yengondân are konok Yuda luâkne tân nugumai.  
 Hain akmâ okot kauâk akniñmai. <sup>12</sup> Akto yengâlân  
 gâtje siâ kotje Epapara in togom mandâp.  
 Manmâ Yesu Kristo hon bawa aganmap. Arekne  
 nângâ yengim gala den katyengiâp. Yâkne  
 yengât Anutu ulilandâp. Amâ Anutuje keiyenje  
 nângâmap aregât keine amukñânbak nângâm  
 lokom manmâ amâ aregât han lâuwâ bo aknet  
 dâm aregât kârikne ulilanmâ mandâp. <sup>13</sup> Akto  
 nâne Eparagât keine emelâk nângângât yâkgât  
 den pat bâlensiâ makyengiwe. Yâk yengât akmâ  
 Yesugât kâmot arekne Laodikea akto Hierapoli  
 kepien mandâi are yengât nângâm tân yengum  
 hâk hilâlâm kakñân mandâp. <sup>14</sup> Galanenje Luka  
 yâk âmâ dokta âlepje akto luâk siâ kotje Dema  
 yâkne den gala katyengiwerâm aktat. <sup>15</sup> Akto  
 nâne Yesugât kâmot arekne Laodikea kepien  
 mandâi akto âmbâle siâ kotje Nimpasi yâk akto  
 yâkgât emetñân menduguakmâ ain Yesugât akmâ  
 mendugumai, yâk yengât nângâyengim herone  
 akyengiman are dâm makyengiwei. <sup>16</sup> Luâk âmbâle  
 menduguakmâ kinbiâ âmâ kulem esenne ire mem  
 dewunyenân kinmâ oyanbiâ nângâmbiâ aregât  
 kakñân Yesugât kâmotje Laodikea kepien mandâi  
 are oyanmâ nângâwaigât katbiâ ariwiap. Akto yâk  
 yengât kulengoân a hainâk are yengimbiâ oyanmâ

nângâwai. <sup>17</sup> Akto luâk siâ kotņe Arikipo amâ hin dâm maganbai, “Humonenņande âi makmâ giņep aregât biwigande kepeim lokom manmâ âgâmenâ bo agâk.” <sup>18</sup> Bâin luâk siâņe kulem esenņe ire kulemgom kindâpgât gâwu are niņdo mem kotne kulemgowe Paulo. Akto lope kâlegen mandângât nâņgât nâņgâ niņmâ Anutu ulilanbei. Anutuņe yeņgât okot akmâ damunyeņe akmâ ye olop manbiâp.



**Yusugât Pat Âlep Den**  
**The New Testament in the Timbe Language of Papua**  
**New Guinea**  
**Nupela Testamen long tokples Timbe long Niugini**

copyright © 1987 Wycliffe Bible Translators, Inc.

Language: Timbe

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-10-23

---

PDF generated using Haiola and XeLaTeX on 22 Feb 2024 from source files dated 31 Aug 2023

03f82704-6ad1-5094-a78e-e240d9f2d4f8